




Ministry of Civil Affairs

Broj: 10-35-3-616-DV/19
Sarajevo, 25.07.2018. godine



Parlamentarna skupština Bosne i Hercegovine

| PRIMLJENO: | 31-07-2019 | | |
|------------------------|-----------------------|------------|--------------|
| Organizaciona jedinica | Klasifikaciona oznaka | Radni broj | Broj priloga |
| 01/02.03- | 50-18- | 1349/19 | |

PREDMET: Izvještaj o namjenskom utrošku grant sredstava u oblasti nauke i kulture za 2018.godinu, dostavlja se

Poštovani,

Savjet ministara Bosne i Hercegovine je, na 173. sjednici održanoj 10.06.2019. godine, razmotrio i usvojio Izvještaj o namjenskom utrošku grant sredstava u oblasti nauke i kulture za 2018.godinu, te zadužio Ministarstvo civilnih poslova Bosne i Hercegovine da isti dostavi Parlamentarnoj skupštini Bosne i Hercegovine.

Takođe, zaduženo je Ministarstvo civilnih poslova Bosne i Hercegovine da kontinuirano vrši kontrolu namjenskog utroška grant sredstava iz oblasti nauke i kulture za 2018. godinu i nakon realizacije svih podržanih projekata dostavi informaciju Savjetu ministara Bosne i Hercegovine.

U skladu sa gore navedenim, u prilogu dostavljamo Izvještaj o namjenskom utrošku grant sredstava u oblasti nauke i kulture za 2018.godinu.

S poštovanjem,

MINISTAR

dr. sci. Adil Osmanović

Prilog: kao u tekstu





Broj: 05-07-1-1191-41/19
Sarajevo, 10. 6. 2019. godine

1968
23-07-2019

MINISTARSTVO CIVILNIH POSLOVA BiH
- n/r tajniku Ministarstva –
Trg BiH 1
71000 Sarajevo



PREDMET: Obavijest o zaključku Vijeća ministara BiH

Vijeće ministara Bosne i Hercegovine, na 173. sjednici održanoj 10. 6. 2019. godine, razmotrilo je Izvješće o namjenskom utrošku grant sredstava u oblasti znanosti i kulture za 2018. godinu te u vezi s tim zaključilo:

- usvaja se Izvješće o namjenskom utrošku grant sredstava u oblasti znanosti i kulture za 2018. godinu;
- zadužuje se Ministarstvo civilnih poslova Bosne i Hercegovine da Izvješće o namjenskom utrošku grant sredstava u oblasti znanosti i kulture za 2018. godinu dostavi Parlamentarnoj skupštini Bosne i Hercegovine;
- zadužuje se Ministarstvo civilnih poslova Bosne i Hercegovine da kontinuirano vrši kontrolu namjenskog utroška grant sredstava iz oblasti znanosti i kulture za 2018. godinu i nakon realizacije svih podržanih projekata dostavi informaciju Vijeću ministara Bosne i Hercegovine.

O zaključku vas informiramo radi njegove provedbe.

S poštovanjem,

DOSTAVLJENO:

-naslovu
- a/a



Izvještaj o namjenskom utrošku grant sredstava u oblasti nauke i kulture za 2018.godinu.

Članom 10. Zakona o budžetu institucija Bosne i Hercegovine i međunarodnih obaveza Bosne i Hercegovine utvrđeno je da će na prijedlog Ministarstva civilnih poslova Bosne i Hercegovine Savjet ministara Bosne i Hercegovine utvrditi kriterije za raspored sredstava namijenjenih za tekući grantove koji se odnose na: "Sufinansiranje projekata institucija kulture u Bosni i Hercegovini", "Međunarodnu kulturnu saradnju", "Podršku tehničkoj kulturi i inovatorstvu u Bosni i Hercegovini" i "Programne za pripremu projekata i potencijalnih kandidata za sredstva iz fonda H2020".

U skladu sa navedenom odredbom Zakona o budžetu institucija Bosne i Hercegovine i međunarodnih obaveza Bosne i Hercegovine, Savjet ministara Bosne i Hercegovine je donio Odluku o kriterijima za dodjelu sredstava iz tekućeg granta "Sufinansiranje projekata institucija kulture u Bosni i Hercegovini" za 2018. godinu ("Službeni glasnik BiH", broj 51/18), Odluku o kriterijima za dodjelu sredstava iz tekućeg granta „Međunarodna kulturna saradnja“ za 2018. godinu („Službeni glasnik BiH“ broj: 51/18), Odluku o kriterijima za dodjelu sredstava iz granta „Programi za pripremu projekata i potencijalnih kandidata za sredstva iz fonda H2020“ za 2018. godinu („Službeni glasnik BiH 54/18) i Odluku o kriterijima za dodjelu sredstava u okviru "Podrške tehničkoj kulturi i inovatorstvu u BiH" za 2018. godinu ("Službeni glasnik BiH", broj 51/18) .

Članom 13. stav (11) Odluke o kriterijima za dodjelu sredstava iz tekućeg granta "Sufinansiranje projekata institucija kulture u Bosni i Hercegovini" za 2018. godinu, članom 14. stav (11) Odluke o kriterijima za dodjelu sredstava iz tekućeg granta „Međunarodna kulturna saradnja“ za 2018. godinu, članom 13. stav (10) Odluke o kriterijima za dodjelu sredstava u okviru "Podrške tehničkoj kulturi i inovatorstvu u BiH" za 2018. godinu i članom 13 stav (10) Odluke o kriterijima za dodjelu sredstava iz tekućeg granta "Programi za pripremu projekata i potencijalnih kandidata za sredstva iz fonda H2020" za 2018. godinu, propisano je da Ministarstvo najkasnije do 31. marta 2019. godine dostavlja detaljan izvještaj Parlamentarnoj skupštini BiH o dodijeljenom tekućem grantu.

Imajući u vidu navedeno Ministarstvo civilnih poslova je pripremio Izvještaj o namjenskom utrošku grant sredstava u oblasti nauke i kulture za 2018.godinu kako slijedi:

1.Kriteriji za raspored sredstava namijenjenih za tekući grantove za oblasti nauke i kulture

Savjet ministara Bosne i Hercegovine je donio Odluku o kriterijima za dodjelu sredstava, kojim su utvrđeni kriteriji za dodjelu sredstava, postupak za objavu konkursa, način podnošenja projekta, sadržaj potrebne dokumentacije, način imenovanja Komisije i njeni zadaci, donošenje odluke o dodjeli sredstava, način podnošenja izvještaja o utrošku sredstava i način kontrole utroška dodjeljenih sredstava za odobre projekate.

Za grant „Sufinansiranje projekata institucija kulture u Bosni i Hercegovini“ - cilj dodjele grant sredstava je podrška projektima koji doprinose razvoj kulture u Bosni i Hercegovini u skladu sa prioritetima Strategije kulturne politike u Bosni i Hercegovini. Rezultat koji se želi postići je za 5% veći broj korisnika koji su na direktan ili indirektan način imali koristi od realizacije projekata podržanih iz sredstava granta u odnosu na 2017.godinu. Indikatori učinka su razrađene u skladu s namjenom sredstava koja je definisana u odluci o

kriterijima. Izvori verifikacije za utvrđivanje učinka su narativni izvještaji uz koje se kao dokazi dostavljaju fotografije, izvještaji medija, zapisnici, zabilješke sa događaja kojima prisustvuju predstavnici Ministarstva, i sl. Broj građana koji su na direktan ili indirektan način imali koristi od svakog pojedinačno podržanog i realizovanog projekta predstavlja pokazatelj uspješnosti realizacije ukupnog granta i rezultat ostvarenja postavljenog cilja.

Za grant „Međunarodna kulturna saradnja“ - cilj dodjele grant sredstava je podrška projektima koji doprinose međunarodnoj saradnji u oblasti kulture i međunarodnoj promociji kulturnog stvaralaštva, a u skladu s prioritetima Strategije kulturne politike u Bosni i Hercegovini i međunarodnim obavezama. Rezultat koji se želi postići je unapređenje međunarodne kulturne razmjene i promocije kulture na međunarodnom planu kroz sufinansiranje minimalno 30 projekata. Indikatori učinka su razrađene u skladu s namjenom sredstava koja je definisana u odluci o kriterijima. Izvori verifikacije za utvrđivanje učinka su narativni izvještaji uz koje se kao dokazi dostavljaju fotografije, izvještaji medija, zapisnici, zabilješke sa događaja kojima prisustvuju predstavnici Ministarstva, i sl. broj građana koji su na direktan ili indirektan način imali koristi od svakog pojedinačno podržanog i realizovanog projekta predstavlja pokazatelj uspješnosti realizacije ukupnog granta i rezultat ostvarenja postavljenog cilja.

Za grant „Programi za pripremu projekata i potencijalnih kandidata za sredstva iz fonda H2020“ za 2018. godinu - cilj dodjele grant sredstava je sufinansiranje projekata koji daju doprinos razvoju nauke u Bosni i Hercegovini, te doprinose implementaciji strateških dokumenata i međunarodnih obaveza u oblasti nauke u Bosni i Hercegovini kroz Podršku pripremi projekata za otvorene tekuće pozive u okviru programa HORIZONT 2020 i realizaciju odobrenih projekata u okviru programa HORIZONT 2020; Podršku za učešće u akcijama u okviru programa COST; Podršku za pripremu i realizaciju projekata u okviru programa EUREKA; Podršku projektima koji doprinose većem stepenu uspješnosti učešća Bosne i Hercegovine u programu HORIZONT 2020; Podršku radu EURAXESS centra. Rezultat koji se želi postići je veće učešće u programima Evropske unije za nauku kroz sufinansiranje minimalno 15 projekata iz ovog granta.

Indikatori učinka su razrađeni u skladu s namjenom sredstava koja je definisana u odluci o kriterijima. Izvori verifikacije za utvrđivanje učinka su narativni izvještaji uz koje se kao dokazi dostavljaju fotografije, izvještaji medija, zapisnici sa sastanaka, zabilješke sa događaja kojima prisustvuju predstavnici Ministarstva, i sl.

Broj projekata koji su podržani iz programa HORIZONT, COST i EUREKA, broj ostvarenih partnerstava na realizaciji odobrenih projekata sa partnerima iz drugih zemalja i iznos povučenih sredstava u okviru odobrenih projekata predstavlja pokazatelj uspješnosti realizacije ukupnog granta i rezultat ostvarenja postavljenog cilja.

Za grant „Podrška tehničkoj kulturi i inovatorstvu u BiH“ za 2018. godinu - cilj dodjele grant sredstava je sufinansiranje projekata koji daju doprinos razvoju tehničke kulture i inovatorstva u Bosni i Hercegovini, te doprinose implementaciji strateških dokumenata u oblasti nauke i inovacija. Rezultat koji se želi postići je unapređenje inovatorstva i tehničke kulture kroz sufinansiranje minimalno 15 projekata iz ovog granta. Indikatori učinka su razrađeni u skladu s namjenom sredstava koja je definisana u odluci o kriterijima. Izvori verifikacije za utvrđivanje učinka su narativni izvještaji uz koje se kao dokazi dostavljaju

fotografije, izvještaji medija, zapisnici, zabilješke sa događaja kojima prisustvuju predstavnici Ministarstva, i sl.

U odlukama o kriterijima za 2018. godinu definisano je da korisnici sredstava kojima budu dodijeljena sredstva u iznosu od 25.000,00 KM i više moraju angažovati nezavisnu reviziju u skladu sa Međunarodnim revizorskim standardom 4400 – Dogovorene procedure, gdje će se od revizora zahtijevati da provede „Procedure verifikacije troškova projekta“ i dostavi „Izveštaj o stvarnom nalazu – Report of factual findings“. Precizirani su i rokovi za polugodišnje narativno izvještavanje i procedure kontrole realizacije odobrenih projekata.

Stupanjem na snagu Odluke o kriterijima za dodjelu sredstava iz tekućeg granta „Sufinansiranje projekata institucija kulture u Bosni i Hercegovini“ za 2018. godinu, Odluke o kriterijima za dodjelu sredstava iz tekućeg granta „Međunarodna kulturna saradnja“ za 2018. godinu, Odluke o kriterijima za dodjelu sredstava iz granta „Programi za pripremu projekata i potencijalnih kandidata za sredstva iz fonda H2020“ za 2018. godinu, i Odluke o kriterijima za dodjelu sredstava u okviru „Podrške tehničkoj kulturi i inovatorstvu u BiH“ za 2018. godinu, Ministarstvo civilnih poslova Bosne i Hercegovine je objavilo Javne konkurse za dodjelu sredstava iz navedenih tekućih grantova u tri dnevna lista: Oslobođenje, Nezavisne novine i Dnevni list, i na službenoj internet stranici Ministarstva civilnih poslova Bosne i Hercegovine. Javni konkursi su bili otvoreni do 20.08.2018. godine, odnosno za grant „Programi za pripremu projekata i potencijalnih kandidata za sredstva iz fonda H2020“ za 2018. godinu do 17.09.2018. godine.

Za grant „Sufinansiranje projekata institucija kulture u Bosni i Hercegovini“, pravo na podnošenje projekata na osnovu objavljenog konkursa imaju sljedeći pravni subjekti u Bosni i Hercegovini:

- a) muzeji, biblioteke, kinoteke, galerije, pozorišta, kulturni centri, domovi kulture, arhivi, orkestri, filharmonije, zavodi za zaštitu kulturne baštine, akademije nauka i umjetnosti, likovne i muzičke akademije, akademije scenskih umjetnosti ;
- b) instituti, udruženja i fondacije čija je jedna od djelatnosti u oblasti kulture;
- c) vjerske zajednice za projekte koji se odnose na očuvanje kulturne i istorijske baštine u Bosni i Hercegovini.

Kriteriji za vrednovanje podnesenih projekata su:

- kvalitet projekta i njegov doprinos razvoju kulture u Bosni i Hercegovini u skladu sa prioritetima Strategije kulturne politike u Bosni i Hercegovini, i to kroz: jačanje kapaciteta kulturnih ustanova, povećanje učestvovanja i pristupa kulturi, promoviranje kulturnih vrijednosti i aktivnosti kroz sistem obrazovanja i putem medija, jačanje sektora kulturnih industrija, jačanje kapaciteta u oblasti kulturnog turizma, očuvanje kulturne i istorijske baštine u Bosni i Hercegovini i izgradnji potrebne infrastrukture, učešće u programima Evropske unije, promocija kulture na međunarodnom planu, projekti koji doprinose uspješnom predsjedavanju Bosne i Hercegovine Savjetom ministara kulture jugoistočne Evrope.
- finansijski i operativni kapaciteti aplikanta, uključujući procjenu realiziranih projekata/programa u protekle tri godine, do sada ostvarena saradnja s međunarodnim partnerima i članstvo u međunarodnim i evropskim mrežama i asocijacijama,
- održivost projekta i projektnih rezultata u periodu nakon završetka projekta,

- izvodljivost projekta, projektnih aktivnosti, jasnost povezanosti cilja projekta s projektnim aktivnostima, broj građana koji su obuhvaćeni projektom (djeca, mladi, osobe s invaliditetom i sl.) i afirmiranje i angažman mladih umjetnika i stvaratelja,
- troškovna efektivnost aktivnosti, odnosno usklađenost predviđenih troškova sa ukupnim budžetom projekta i jasna vidljivost traženih sredstava za svaku od planiranih aktivnosti u okviru projekta.

Za grant „Međunarodna kulturna saradnja“ pravo na podnošenje projekata na osnovu objavljenog konkursa imaju sljedeći pravni subjekti u Bosni i Hercegovini:

- muzeji, biblioteke, kinoteke, galerije, pozorišta, kulturni centri, domovi kulture, arhivi, orkestri, filharmonije, zavodi za zaštitu kulturne baštine, akademije nauka i umjetnosti, likovne i muzičke akademije, akademije scenskih umjetnosti, filmski centri;
- instituti, udruženja i fondacije čija je jedna od djelatnosti u oblasti kulture, te
- izdavačke kuće za projekte odobrene u okviru EU programa Kreativna Evropa.

Kriteriji za vrednovanje podnesenih projekata je:

- kvalitet projekta i njegov doprinos promoviranju i afirmiranju domaćeg kulturnog stvaralaštva u međunarodnim okvirima, u skladu sa Strategijom kulturne politike u Bosni i Hercegovini, i to kroz: promociju kulture BiH na međunarodnom planu, učešće BiH u međunarodnim kulturnim programima i inicijativama, implementaciju međunarodnih sporazuma i programa saradnje potpisanih u oblasti kulture, afirmaciju umjetnika i unapređenje mobilnosti umjetnika, učešće u programima Evropske unije, realizaciju projekata u okviru predsjedavanja Bosne i Hercegovine Savjetom ministara kulture jugoistočne Evrope.
- finansijski i operativni kapaciteti aplikanta, uključujući procjenu realiziranih projekata/programa u protekle tri godine, do sada ostvarena saradnja s međunarodnim partnerima i članstvo u međunarodnim i evropskim mrežama i asocijacijama,
- održivost projekta i projektnih rezultata u periodu nakon završetka projekta,
- izvodljivost projekta, projektnih aktivnosti, jasnost povezanosti cilja projekta s projektnim aktivnostima, broj građana koji su obuhvaćeni projektom (djeca, mladi, osobe s invaliditetom i sl.) i afirmiranje i angažman mladih umjetnika i stvaratelja,
- troškovna efektivnost aktivnosti, odnosno usklađenost predviđenih troškova sa ukupnim budžetom projekta i jasna vidljivost traženih sredstava za svaku od planiranih aktivnosti u okviru projekta.

Za grant „Programi za pripremu projekata i potencijalnih kandidata za sredstva iz fonda H2020“ pravo na podnošenje projekata imaju registrirane naučnoistraživačke organizacije (visokoškolske ustanove, instituti, akademije nauka i umjetnosti, inovacioni centri, tehnološki parkovi), neprofitne organizacije, odnosno druga fizička i pravna lica koja su uključena u istraživački rad ili širenje i upotrebu naučnoistraživačkih rezultata kroz apliciranje i učešće u programima Horizont 2020, COST i EUREKA.

Za učešće u akcijama u okviru programa COST mogu da apliciraju fizička lica, s tim da se sredstva doznačavaju putem matične naučno-istraživačke institucije.

Subjekti koji ispunjavaju uslove za prijavu na konkurs mogu aplicirati sa po jednim projektom u okviru svakog od tri programa EU: HORIZONT 2020, COST i EUREKA.

Kriteriji za vrednovanje projekata su:

kvalitet projekta i njegov doprinos razvoju nauke u BiH, implementaciji strateških dokumenata i međunarodnih obaveza u oblasti nauke u BiH, i to kroz:

- 1) dosadašnji rad na projektima u Okvirnim programima Evropske unije za istraživanje i tehnološki razvoj, te programima COST i EUREKA,
 - 2) aktualnost teme istraživanja, doprinos konkurentnosti proizvoda i tehnologija,
 - 3) učestvovanje aplikanata u troškovima realizacije projekta,
 - 4) podrška entitetskih i drugih institucija u ostvarivanju projekta,
 - 5) mogućnost primjene rezultata na više korisnika,
 - 6) broj partnerstava ostvarenih sa partnerima iz drugih zemalja u okviru projekta.
- b) finansijski i operativni kapaciteti aplikanta, uključujući procjenu realiziranih projekata/programa u protekle tri godine, do sada ostvarena saradnja s međunarodnim partnerima i članstvo u međunarodnim i evropskim mrežama i asocijacijama,
- c) održivost projekta i projektnih rezultata u periodu nakon završetka projekta,
- d) izvodljivost projekta, projektnih aktivnosti, jasnost povezanosti cilja projekta s projektnim aktivnostima, broj direktnih ili indirektnih korisnika koji su obuhvaćeni projektom,
- e) troškovna efektivnost aktivnosti, odnosno usklađenost predviđenih troškova sa ukupnim budžetom projekta i jasna vidljivost traženih sredstava za svaku od planiranih aktivnosti u okviru projekta.

Za grant „Podrška tehničkoj kulturi i inovatorstvu u BiH“ za 2018. godinu, pravo na podnošenje projekata, na osnovu objavljenog konkursa imaju;

- a) registrirani savezi i udruženja inovatora,
- b) sekcije i organizacije tehničke kulture,
- c) registrirane naučno-istraživačke organizacije,
- d) inovacioni centri, te
- e) inovatori-fizička lica koji su državljani Bosne i Hercegovine sa prijavljenim prebivalištem u Bosni i Hercegovini.

Kriteriji za vrednovanje podnesenih projekata su:

- a) kvalitet projekta i njegov doprinos razvoju inovatorstva i tehničke kulture u Bosni i Hercegovini, te doprinos implementaciji strateških dokumenata u oblasti nauke i inovacija u BiH, kroz:
 - 1) Stvaranje inovacione baze, promocije značaja inovatorstva i tehničke kulture u društvu, transferu tehnologija, zaštita intelektualnog vlasništva,
 - 2) Jačanje saradnje sa privredom kroz komercijalizaciju i primjenu inovativnih dostignuća.
- b) finansijski i operativni kapaciteti aplikanta, uključujući procjenu realiziranih projekata/programa u protekle tri godine, do sada ostvarena saradnja s međunarodnim partnerima i članstvo u međunarodnim i evropskim mrežama i asocijacijama,
- c) održivost projekta i projektnih rezultata u periodu nakon završetka projekta,
- d) izvodljivost projekta, projektnih aktivnosti i jasnost povezanosti cilja projekta s projektnim aktivnostima, broj građana koji su obuhvaćeni projektom i afirmiranje i angažman mladih,

e) troškovna efektivnost aktivnosti, odnosno usklađenost predviđenih troškova sa ukupnim budžetom projekta i jasna vidljivost traženih sredstava za svaku od planiranih aktivnosti u okviru projekta.

2. "Sufinansiranje projekata institucija kulture u Bosni i Hercegovini" za 2018. godinu

Na osnovu člana 10. stav (1) Odluke o kriterijima za dodjelu sredstava iz tekućeg granta "Sufinansiranje projekata institucija kulture u Bosni i Hercegovini" za 2017. godinu, ministar civilnih poslova Bosne i Hercegovine Rješenjima broj: 10-35-3-339/18 od 24.08.2018. godine i 10-35-3-339-1/18 od 02.11.2018. godine, imenovao je Komisiju za razmatranje primljenih projekata na osnovu objavljenog javnog konkursa za tekući grant "Sufinansiranje projekata institucija kulture u Bosni i Hercegovini" za 2018. godinu. U skladu sa rješenjem zadatak Komisije je bio da izvršava blagovremeno sve poslove na način i pod uslovima kako je to utvrđeno u Odluci o kriterijima za dodjelu sredstava iz tekućeg granta "Sufinansiranje projekata institucija kulture u Bosni i Hercegovini" za 2018. godinu.

Nakon zatvaranja konkursa Komisija je pristupila radu u skladu s Rješenjem o imenovanju i održala osam sjednica. Na Javni konkurs pristiglo je poštom ukupno 359 prijava.

Komisija je na sjednicama izvršila uvid u sve primljene prijave i prijedloge projekata za dodjelu sredstava za sufinansiranje projekata institucija kulture u Bosni i Hercegovini za 2018. godinu, u skladu sa Odlukom o kriterijima, te je izvršila procjenu ispunjenosti administrativnih i tehničkih kriterija za prijavu. Na sedmoj sjednici konstatovano je da 136 prijave ispunjavaju administrativno-tehničke kriterije, te se pristupilo vrednovanju projekata.

Svih sedam članova Komisije izvršilo je evaluaciju 136 projekata prema Evaluacionom obrascu, koji je sastavni dio odluke o kriterijima. Kriteriji za vrednovanje obuhvataju: tematske kriterije, finansijske i operativne kapacitete aplikanta, relevantnost projekta, efektivnost i izvodljivost aktivnosti, održivost aktivnosti i ciljeva, te budžet i troškovnu efektivnost aktivnosti. Prilikom dodjele sredstava uzimaju se u obzir podaci o instituciji koja je podnijela zahtjev, te doprinos koji programskim sadržajima daje razvoju kulture u Bosni i Hercegovini

Nakon evaluacije sačinjena je rang lista aplikanata prema bodovima, te predloženi iznosi za dodjelu sredstava. Za dodjelu sredstava predloženi su oni projekti koji su ostvarili 55 i više bodova. Ukupan broj uspješnih aplikanata čiji su projekti bodovani sa 55 i više bodova je 123 i isti su predloženi za finansiranje.

Komisija je sačinila Prijedlog Odluke o dodjeli sredstava iz granta za sufinansiranje projekata institucija kulture u Bosni i Hercegovini za 2018. godinu, i predložila ministru civilnih poslova da se ista uputi u proceduru usvajanja od strane Savjeta ministara Bosne i Hercegovine, a kako je utvrđeno u članu 10. stavu (8) Odluke o kriterijima za dodjelu sredstava za sufinansiranje projekata institucija kulture u Bosni i Hercegovini za 2018. godinu ("Službeni glasnik BiH", broj 51/18).

Savjet ministara Bosne i Hercegovine je na 161. sjednici, održanoj 13. decembra 2018. godine, donio Odluku o dodjeli sredstava iz granta za sufinansiranje projekata institucija kulture u Bosni i Hercegovini za 2018. godinu. Sredstva u iznosu od 3.097.000,00 KM dodjeljena su 123 subjeka.

Odluka o dodjeli sredstava je objavljena na web stranici Ministarstva civilnih poslova i Službenom glasniku BiH.

Subjekti koji nisu zadovoljavali administrativno-tehničke kriterije i subjekti koji su nakon evaluacije pristiglih projekata imali manje od 55 bodova, su pisanim putem obavješteni o razlozima neispunjavanja istih.

Ministarstvo civilnih poslova je pripremlilo ugovore o korišćenju dodjeljenih sredstava. Svi pojedinačni ugovori čija vrijednost iznosi 10.000,00 KM i više upućeni su na mišljenje Pravobranilaštvu Bosne i Hercegovine (ukupno 75 Ugovora).

U odlukama o kriterijima i ugovorima s korisnicima sredstava detaljno su razrađene obaveze u pogledu namjenskog utroška dodjeljenih grant sredstava i načina pravdanja doznačenih sredstava kako u pogledu finansijskog dijela (adekvatnom finansijsko-računovodstvenom dokumentacijom u skladu s važećim zakonskim propisima iz ove oblasti), tako i učinka dodjeljenih sredstava.

Potom su korisnici kontaktirani putem telefona da dođu u prostorije Ministarstva, kako bi izvršili potpisivanje ugovora i dostavili revidirani budžet, u skladu sa članom 12. Odluke o kriterijima za dodjelu sredstava iz tekućeg granta "Sufinansiranje projekata institucija kulture u Bosni i Hercegovini" za 2018. godinu .

Svi korisnici granta su potpisali ugovore i sredstva su im prebačena na tekuće račune.

3. „Međunarodna kulturna saradnja“ za 2018. godinu

Na osnovu člana 11. stav (1) Odluke o kriterijima za dodjelu sredstava iz tekućeg granta „Međunarodna kulturna saradnja“ za 2018. godinu, ministar civilnih poslova Bosne i Hercegovine Rješenjem broj: 10-35-3-338/18 od 24.8.2018. godine, imenovao je Komisiju za razmatranje primljenih projekata na osnovu objavljenog javnog konkursa za tekući grant „Međunarodna kulturna saradnja“ za 2018. godinu. U skladu sa Rješenjem zadatak Komisije je bio da izvršava blagovremeno sve poslove na način i pod uslovima, kako je to utvrđeno u Odluci o kriterijima za dodjelu sredstava iz tekućeg granta „Međunarodna kulturna saradnja“ za 2018. godinu.

Nakon zatvaranja konkursa Komisija je pristupila radu u skladu s Rješenjem o imenovanju i održala tri sjednice. Na Javni konkurs pristiglo je poštom ukupno 136 prijava.

Komisija je na sjednicama izvršila uvid u sve primljene prijave i prijedloge projekata za dodjelu sredstava za sufinansiranje projekata institucija kulture u Bosni i Hercegovini za 2018. godinu, u skladu sa Odlukom o kriterijima, te je izvršila procjenu ispunjenosti administrativnih i tehničkih kriterija za prijavu, te je konstatovano da 58 prijava ispunjavaju opšte, tematske, administrativne i tehničke kriterije, te se pristupilo vrednovanju projekata.

Svih sedam članova Komisije izvršilo je evaluaciju 58 projekata prema Evaluacionom obrascu, koji je sastavni dio Odluke o kriterijima.

Zatim je Komisija sačinila rang listu uspješnih projekata, prema broju bodova - prosječnoj ocjeni.

U skladu s rang listom i prihvatljivim troškovima u okviru budžeta aplikanta, Komisija je predložila iznos sredstava za dodjelu, vodeći računa da se za dodjeljena sredstva mogu realizirati aktivnosti, postići određeni rezultati i ostvariti postavljeni cilj.

Komisija je sačinila Prijedlog Odluke o dodjeli sredstava u okviru međunarodne kulturne saradnja za 2018. godinu, i predložila ministru civilnih poslova da se ista uputi u proceduru usvajanja od strane Savjeta ministara Bosne i Hercegovine, u skladu s članom 11. stav (9) Odluke o kriterijima za dodjelu sredstava iz tekućeg granta „Međunarodna kulturna saradnja“ za 2018. godinu .

Savjet ministara Bosne i Hercegovine je na , na 160. sjednici, održanoj 03. decembra 2018. godine, donio Odluku o dodjeli sredstava iz tekućeg granta „Međunarodna kulturna saradnja“ za 2018. godinu,. Sredstva u iznosu od 390.000,00 KM dodjeljena su 47 subjekta.

Odluka o dodjeli sredstava je objavljena na web stranici Ministarstva civilnih poslova i Službenom glasniku BiH.

Subjekti koji nisu zadovoljavali administrativno-tehničke kriterije i subjekti koji su nakon evaluacije pristiglih projekata imali manje od 55 bodova, su pisanim putem obavješteni o razlozima neispunjavanja istih.

Ministarstvo civilnih poslova je pripremilo ugovore o korišćenju dodjeljenih sredstava. Svi pojedinačni ugovori čija vrijednost iznosi 10.000,00 KM i više upućeni su na mišljenje Pravobranilaštvu Bosne i Hercegovine (ukupno 20 Ugovora).

U odlukama o kriterijima i ugovorima s korisnicima sredstava detaljno su razrađene obaveze u pogledu namjenskog utroška dodjeljenih grant sredstava i načina pravdanja doznačenih sredstava kako u pogledu finansijskog dijela (adekvatnom finansijsko-računovodstvenom dokumentacijom u skladu s važećim zakonskim propisima iz ove oblasti), tako i učinka dodjeljenih sredstava.

Potom su korisnici kontaktirani putem telefona da dođu u prostorije Ministarstva, kako bi izvršili potpisivanje ugovora i dostavili revidirani budžet, u skladu sa članom 3. Odluke o dodjeli sredstava u okviru međunarodne kulturne saradnja za 2018. godinu.

Svi korisnici granta su potpisali ugovore i sredstva su im prebačena na tekuće račune.

4. “Programi za pripremu projekata i potencijalnih kandidata za sredstva iz fonda H2020” za 2018. godinu.

Na osnovu člana 10. stav (1) Odluke o kriterijima za dodjelu sredstava iz tekućeg granta Programi za pripremu projekata i potencijalnih kandidata za sredstva iz fonda H2020 za 2018. godinu , ministar civilnih poslova Bosne i Hercegovine Rješenjem broj: 10-33-11-340-1/18 od 02.11.2018. godine, imenovao je Komisiju za razmatranje primljenih projekata na osnovu objavljenog javnog konkursa za tekući grant “Programi za pripremu projekata i potencijalnih kandidata za sredstva iz fonda H2020” za 2018. godinu. U skladu sa rješenjem zadatak Komisije je bio da izvršava blagovremeno sve poslove na način i pod uslovima kako je to utvrđeno u Odluci o kriterijima za dodjelu sredstava iz tekućeg granta “Programi za pripremu projekata i potencijalnih kandidata za sredstva iz fonda H2020” za 2018. godinu.

Nakon zatvaranja konkursa Komisija je pristupila radu u skladu s Rješenjem o imenovanju i održala šest sastanka.

Komisija je ustanovila da je na javni konkurs za dodjelu sredstava iz granta „Programi za pripremu projekata i potencijalnih kandidata za sredstva iz fonda H2020“ za 2018. godinu pristiglo ukupno 49. koverti. Prilikom otvaranja koverti Komisija je utvrdila je koverta pod rednim brojem 10. „Partnerstvo za zdravlje“, dostavljena greškom i da će se ista uz službenu zabilješku dostaviti na nadležnost Sektoru za zdravstvo. Komisija je na sastancima izvršila uvid u sve pristigle prijave te utvrdila da li pristigle aplikacije sadrže obaveznu dokumentaciju traženu javnim pozivom i da li ispunjavaju ostale administrativne kriterije.

Komisija je izvršila evaluaciju primljenih zahtjeva koji ispunjavaju formalno - pravne uslove definisane Odlukom o kriterijima, a prema Evaluacionom obrascu koji predstavlja sastavni

dio Odluke o kriterijima. Utvrđena je rang lista aplikanata i predloženi su iznosi za dodjelu sredstava.

U skladu sa sačinjenom rang listom, Komisija je dala prijedlog o dodjeli sredstava. Ukupno raspoređena sredstva iznose 435.491,35 KM.

Komisija je sačinila Prijedlog Odluke o dodjeli sredstava iz granta o dodjeli sredstava iz tekućeg granta „Programi za pripremu projekata i potencijalnih kandidata za sredstva iz fonda H2020, za 2018. godinu, i predložila ministru civilnih poslova da se ista uputi u proceduru usvajanja od strane Savjeta ministara Bosne i Hercegovine, a kako je utvrđeno u članu 10. stavu (9) Odluke o kriterijima za dodjelu sredstava iz granta Programi za pripremu projekata i potencijalnih kandidata za sredstva iz fonda H2020 za 2018. godinu ("Službeni glasnik BiH", broj 54/18).

Savjet ministara Bosne i Hercegovine je na, 160. sjednici, održanoj 03. decembra 2018. godine, donijelo Odluku o dodjeli sredstava iz granta Programi za pripremu projekata i potencijalnih kandidata za sredstva iz fonda H2020 za 2018.godinu. Sredstva u iznosu od 435.491,35 KM dodjeljena su 24 subjeka.

Odluka o dodjeli sredstava je objavljena na web stranici Ministarstva civilnih poslova i Službenom glasniku BiH.

Subjekti koji nisu zadovoljavali administrativno-tehničke kriterije i subjekti koji su nakon evaluacije pristiglih projekata imali manje od 55 bodova, su pisanim putem obavješteni o razlozima neispunavanja istih.

Ministarstvo civilnih poslova je pripremio ugovore o korišćenju dodjeljenih sredstava. Svi pojedinačni ugovori čija vrijednost iznosi 10.000,00 KM i više upućeni su na mišljenje Pravobranilaštvu Bosne i Hercegovine (ukupno 24 Ugovora).

U odlukama o kriterijima i ugovorima s korisnicima sredstava detaljno su razrađene obaveze u pogledu namjenskog utroška dodjeljenih grant sredstava i načina pravdanja doznačenih sredstava kako u pogledu finansijskog dijela (adekvatnom finansijsko-računovodstvenom dokumentacijom u skladu s važećim zakonskim propisima iz ove oblasti), tako i učinka dodjeljenih sredstava.

Potom su korisnici kontaktirani putem telefona da dođu u prostorije Ministarstva, kako bi izvršili potpisivanje ugovora i dostavili revidirani budžet, u skladu sa članom 12. Odluke o kriterijima za dodjelu sredstava iz tekućeg granta "Programi za pripremu projekata i potencijalnih kandidata za sredstva iz fonda H2020 za 2018.godinu".

Jedan korisnik nije potpisao ugovor i dostavio je pisano obrazloženje o istom i to: Gradska razvojna agencija Banja Luka – odobreni iznos 25.000,00 KM. U prilogu se nalaze razlozi o neprihvatanju dodjeljenih sredstava. (Prilog broj 1.) Ostala 23 korisnika granta su potpisali ugovore i sredstva su im prebačena na tekuće račune.

5. „Podrška tehničkoj kulturi i inovatorstvu u BiH“ za 2018. godinu

Na osnovu člana 10. stav (1) Odluke o kriterijima za dodjelu sredstava iz tekućeg granta „Podrška tehničkoj kulturi i inovatorstvu u BiH“ za 2018. godinu, ministar civilnih poslova Bosne i Hercegovine Rješenjem broj: 10-33-11-341-1/18 od 24.08.2018. godine, imenovana je Komisija za razmatranje primljenih projekata na osnovu javnog konkursa za dodjelu sredstava iz granta „Podrška tehničkoj kulturi i inovatorstvu u BiH“ za 2018. godinu U skladu sa Rješenjem zadatak Komisije je bio da izvršava blagovremeno sve poslove na način i pod

uslovima kako je to utvrđeno u Odluci o kriterijima za dodjelu sredstava iz tekućeg granta "Podrška tehničkoj kulturi i inovatorstvu u BiH" za 2018. godinu".

Nakon zatvaranja konkursa Komisija je pristupila radu u skladu s Rješenjem o imenovanju i održala tri sastanka. Javni konkurs za dodjelu sredstava u okviru podrške tehničkoj kulturi i inovatorstvu u Bosni i Hercegovini za 2018. godinu objavljen je 30. jula. 2018. godine u sredstvima javnog informisanja i na službenoj internet stranici Ministarstva civilnih poslova Bosne i Hercegovine. Rok za prijavu učesnika trajao je do 20. augusta 2018. godine.

Na Javni poziv pristiglo je ukupno 45 koverti, i sve koverta su pristigle blagovremeno.

Nakon pregleda i razmatranja pristiglih aplikacija Komisija je konstatovala da od četrdesetpet (45) pristiglih aplikacija/koverata, dvadesetdevet (29) aplikacija ispunilo je formalno pravne uslove, četrnaest (14) aplikacija nije ispunilo uslove, dok su dvije koverta sadržavale dopunu dokumentacije.

Komisija je zatim jednoglasno donijela odluku da aplikanti koji su priložili svu potrebnu dokumentaciju prolaze u fazu bodovanja projekata.

Nakon bodovanja projekata kroz evaluacioni obrazac koji je sastavni dio Odluke o kriterijima, Komisija je sačinila prijedlog za dodjelu finansijskih sredstva za 2018. godinu, Komisija je sačinila Prijedlog Odluke o dodjeli sredstava iz granta Podrška tehničkoj kulturi i inovatorstvu u BiH" za 2017. godinu, i predložila ministru civilnih poslova da se ista uputi u proceduru usvajanja od strane Savjeta ministara Bosne i Hercegovine, a kako je utvrđeno u članu 10. stavu (9) Odluke o kriterijima za dodjelu sredstava iz granta „Podrška tehničkoj kulturi i inovatorstvu u BiH“ za 2017. godinu.

Savjet ministara Bosne i Hercegovine je na, na 125. sjednici, održanoj 22. decembra 2017. godine, donijelo Odluku o dodjeli sredstava iz granta Podrška tehničkoj kulturi i inovatorstvu u BiH" za 2017. godinu. Sredstva u iznosu od 117.000,00 KM dodjeljena su za 33 subjekta.

Odluka o dodjeli sredstava je objavljena na web stranici Ministarstva civilnih poslova i Službenom glasniku BiH.

Subjekti koji nisu zadovoljavali administrativno-tehničke kriterije i subjekti koji su nakon evaluacije pristiglih projekata imali manje od 55 bodova, su pisanim putem obavješteni o razlozima neispunjavanja istih.

Ministarstvo civilnih poslova je pripremio ugovore o korišćenju dodjeljenih sredstava. U odlukama o kriterijima i ugovorima s korisnicima sredstava detaljno su razrađene obaveze u pogledu namjenskog utroška dodjeljenih grant sredstava i načina pravdanja doznačenih sredstava kako u pogledu finansijskog dijela (adekvatnom finansijsko-računovodstvenom dokumentacijom u skladu s važećim zakonskim propisima iz ove oblasti), tako i učinka dodjeljenih sredstava.

Potom su korisnici kontaktirani putem telefona da dođu u prostorije Ministarstva, kako bi izvršili potpisivanje ugovora i dostavili revidirani budžet, u skladu sa članom 12. Odluke o kriterijima za dodjelu sredstava iz tekućeg granta "Podrška tehničkoj kulturi i inovatorstvu u BiH" za 2018. godinu. Ukupno je potpisano 29 Ugovora i svim korisnicima sredstva su prebačena na tekuće račune.

6. Izvještaj o utrošku sredstava

Odlukama o kriterijima definisano je da su korisnici grantova dužni Ministarstvu dostaviti izvještaje o namjenskom utrošku sredstava prema Obrascu za narativni izvještaj i Obrascu za finansijski izvještaj, koji su sastavni dio odluka o kriterijima.

Korisnici sredstava kojima su dodijeljena sredstva u iznosu 25.000,00 KM i više dužni su dostaviti i Izvještaj nezavisne revizije.

U odlukama o kriterijima definisani su rokovi u pogledu izvještavanja. Polugodišnji izvještaji dostavljaju se prema Obrascu za narativni izvještaj i to najkasnije do 25.1. i 20.7. Završni-konačni izvještaj dostavlja se u roku od 30 dana od dana završetka odobrenog projekta.

Kontrola realizacije odobrenih projekata se vrši po njihovom završetku na bazi dostavljenog kompletnog narativnog i finansijskog izvještaja. Kontrola uključuje:

- analizu narativnog izvještaja o realizaciji projekta koju vrši Sektor za nauku i kulturu u Ministarstvu i na bazi koje se utvrđuje učinak realizovanog projekta,
- analizu finansijskog izvještaja koju vrši Komisija za finansijsku kontrolu.

Komisiju za finansijsku kontrolu izvještaja imenuje ministar civilnih poslova. Komisija se sastoji od pet članova i sekretara. Komisije bliže uređuju djelokrug i način svog rada putem donošenja poslovnika o radu. Članovi Komisije za finansijsku kontrolu ne mogu biti osobe koje su učestvovala u radu Komisije za evaluaciju projekata.

Ukoliko zaključi da je potrebno Komisija će odlaskom u sjedište korisnika sredstava ostvariti uvid u cjelokupnu dokumentaciju. Ministarstvo učinak utvrđuje i kroz prisustvo predstavnika Ministarstva kako pri održavanju manifestacija, odnosno podržanih aktivnosti, u BiH, tako i u prostorijama korisnika grant sredstava o čemu se sačinjava zabilješka i prilaže uz obrazac za narativni izvještaj.

Subjekti koji podliježu obavezi dostavljanja nalaza nezavisne revizije isti dostavljaju uz popunjene i vlastitim pečatom ovjerene obrasce za narativni i finansijski izvještaj.

Stručno-analitičku podršku Komisiji za finansijsku kontrolu u postupku kontrole realizacije odobrenih projekata pruža Sektor za nauku i kulturu u Ministarstvu.

Ukoliko je nalaz nezavisne revizije negativan odnosno utvrdi nenamjensko trošenje doznačenih sredstava prema korisniku sredstava se preduzimaju radnje u smislu vraćanja finansijskih sredstava na jedinstveni račun trezora BiH. Ukoliko su kod korisnika sredstava u izvještavanju utvrđene greške tehničke prirode, koje podrazumijevaju nepravilno popunjene Obrasce i tehničke greške, korisnik sredstava se obavještava o potrebi otklanjanja utvrđenih nedostataka u roku od 15 dana od dana prijema obavještenja. Ako korisnik sredstava u zadanom roku ne otkloni nedostatke Ministarstvo će uputiti zahtjev korisniku sredstava da izvrši povrat cjelokupnog iznosa doznačenih sredstava, u roku od 30 dana od dana kada Ministarstvo pismenim putem to od njega zatraži. Ukoliko se sredstva ne uplate u zadanom roku pokreće se postupak pred nadležnim organom protiv korisnika sredstava koji nije opravdao doznačena sredstva i zabranjuje se apliciranje istom na konkurse koje raspisuje Ministarstvo u periodu od tri godine.

Ukoliko se ustanovi nenamjensko trošenje doznačenih sredstava aplikant je dužan izvršiti povrat cjelokupnog iznosa doznačenih sredstava na Jedinstveni račun trezora Bosne i Hercegovine u roku od 30 dana od dana kada Ministarstvo pisanim putem to od njega zatraži, u suprotnom pokrenut će se postupak pred nadležnim organom protiv aplikanta koji nije opravdao doznačena sredstva i zabranjuje se apliciranje istom na konkurse koje raspisuje Ministarstvo u periodu od tri godine.

Ukoliko korisnik nije utrošio cjelokupna doznačena sredstva za realizaciju odobrenog projekta, dužan je da izvrši povrat neutrošenih sredstava uplatom istih na Jedinstveni račun trezora Bosne i Hercegovine u roku od 30 dana od dana završetka projekta uz obrazloženje. Ukoliko se sredstva ne uplate u navedenom roku pokreće se postupak pred nadležnim

organom protiv aplikanta koji nije opravdao doznačena sredstva i zabranjuje se apliciranje istom na konkurse koje raspisuje Ministarstvo u periodu od tri godine.

Subjekti koji ne realizuju sredstva u skladu s potpisanim ugovorom dužni su da ista vrate na jedinstveni račun trezora BiH a ako to ne učine u roku od 30 dana od dana kada Ministarstvo to zatraži protiv istih se pokreće postupak pred nadležnim sudom putem Pravobranilaštva BiH.

U odlukama o kriterijima za 2018.godinu definisano je da Korisnik sredstava u slučaju plaćanje računa, za nabavku opreme, roba ili usluga, za sredstva iz odobrenog projekta treba da primjeni procedure definisane Zakonom o javnim nabavkama, odnosno doznačena sredstva utroši u skladu s zakonskim propisima i pravda relevantnim računovodstveno- finansijskim dokazima. Za projekte koji su dvogodišnji prati se stanje projekta i stepen realizacije kroz polugodišnje narativne izvještaje.

Korisnici sredstava dužni su da vode odvojenu i preciznu finansijsku dokumentaciju, tako da se sva plaćanja i troškovi načinjeni prema odobrenom projektu lako mogu identificirati. Korisnik sredstava je dužan da računovodstvene knjige i drugu finansijsku dokumentaciju, u slučaju potrebe, učini dostupnom za razmatranje i kontrolu od strane Ministarstva ili bilo kog drugog organa koji ovlasti Savjet ministara Bosne i Hercegovine ili bilo kog drugog zakonom ovlašćenog organa.